

Oqaluuserisassanut nassuiaat.

(Inatsisartut Siulittaasuut)

2017-imi upernaakkut ataatsimiinnermi oqaluuserisassat ulloq 24. marts nassiunneqarput.

Inatsisartunut ilaasortanit katillugit immikkoortut 41-t, Nunat Avannarliit Killiit Siunnersuisoqatigiiffiannit aalajangersakkat marluk, Siulittaasoqarfimmit immikkoortoq ataaseq aammalu Naalackersuisunit immikkoortut 30-t oqaluuserisassanut ilanngunneqarput.

UPA 2017 Inatsisartut ataatsimiittarfianni ulluni 27-ni ataatsimiiffiusussat naatsorsuutigineqarpoq.

Sapaatit akunnerini ullut ataatsimiiffiusussat ima agguataarneqarput:

- Ataasinngornerit, marlungornerit pingasunngornerillu nal. 11:00-imit 15:00-imut.
- Sisamngornerit nal. 11:00-imit 16:00-imut.
- Tallimangornerit ataatsimiiffiussanngillat, taamaattorli tallimangornerit siulliit marluk, tassa ulloq 21.- aamma 28. april nal. 11:00-imit 15:00-imut ataatsimiiffiussapput.
- Pingasuunngornermi Inatsisartut ataatsimiittarfianni ataatsimiinneq nal. 11:00-imit 12:00-imut sapaatip akunnikkaartumik akunnermi ataatsimi apeqquteqarfimmik aallarnerneqartassaaq.
- Inatsisartut ataatsimiittarfianni ullut uku ataatsimiiffiussanngillat: 1. maj, ulloq 12. maj Tussiarfissuaq, ulloq 25. maj Qilaliarfik kiisalu ulloq 5. juni piinsip ulluisa aappaat.

Ullut ataatsimiiffiusut ingerlaavartussaapput, tassa immikkoortut ullormi ataatsimiiffiusumi angumerineqanngitsut ullormi ataatsimiiffiusumi tullermi, taasisoqassappat taasisoqareernerani, siullertut oqaluuserineqartassallutik.

Inatsisartunut ilaasortat, Naalackersuisut partiillu qinnuigineqarsimapput oqaluuserisassanut oqaaseqaatissaqarunik kissaateqarunilluunniit siulittaasoqarfimmut saaffiginnissuteqaq-qullugit, kingusinnerpaamik ataatsimiinnerup aallartinnissaa sapaatip akunneranik sioqqullugu.

Siulittaasoqarfik saaffiginnissutinik tigusaqanngilaq.

Naalackersuisut siulittaasuata Naalackersuisunik qinersinissaq pillugu immikkoortumik

nutaamik ullumi ataatsimiinnermi oqaluuserisassanut ilanngussinissaq qinnutigaa. Immikkoortoq taanna immikkoortup matuma kinguninngua oqaluuserineqartussaagaluartoq 16-imik normoqarpoq. Immikkoortulli oqaluuserineqarnissaa ataasinngornermut ulloq 24. apriliimut kinguartinneqarpoq ullumilu oqaluuserisassanit peerneqarluni.

Inatsisartut maanna ataatsimiinneranni oqaluuserisassatut siunnersuummik nutaamik Siulittaasoqarfik ulloq 19. april saqqummiussivoq, tassalu:

Immikkoortoq 29: Inatsisartut ataatsimiittarfianni ataatsimiinnerit, siumut aalajangersarneqareersumik annertussusilimmik, radiukkut aallakaatinneqartarnissaannik KNR-ip pisussaaffilerneqarnissaanik sulissuteqaqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut.

Immikkoortoq ulloq 26. april siullermeerneqassaaq ullorlu 17. maj aappassaaneerneqassalluni.

Immikkoortut 4 aamma 5 tallimannngornermi ataasinngornermi ulloq 24. april immikkoortutut kingullertut oqaluuserineqartussanngorlugit kinguartinneqassasut Siulittaasoqarfiup aalajangiuppaa.

Immikkoortoq 4: Inatsisartut ataatsimiititaliaannut sinniisoqarfinnullu ilaasortassanik sinniisussaannillu qinersineq.

Aamma immikkoortoq 5: Siunnersuisoqatigiinnut aalajangiisartutullu ataatsimiititalianut ilaasortassanik sinniisussaannillu qinersineq.

Ilanngullugu oqaatigineqassaaq Inatsisartunut ilaasortat ataasiakkaat siunnersuutit saqqummiunneqartut kalaallisut qallunaatullu eqqortumik oqaasertalerneqarsimanissaat namminneq akisussaaffigimmassuk. Oqaasertaliussanik erseqqissaasoqarnissaa kissaatigineqarpat taakku Allattoqarfimmumt nassiuteqquneqarput UPA17-imi siunnersuutip oqaluuserineqarnissaa sioqqulluarlugu.

Suleriaasitsinni § 4, imm. 1 naapertorlugu oqaluuserisassanut nassuiaat isumaqatigiinniutigineqarneq ajorpoq, taamaattumillu oqaluuserisassat pillugit naammagittaalliuutit allakkatigut siulittaasoqarfimmumt ingerlatinneqartassallutik.

Taamaalilluni oqaluuserisassat akuerineqartutut isigineqarput.

Inatsisartunut ilaasortaq Kalistat Lund, Inuit Ataqatigiit, ilaasortaanerminit ullumimit atuutilersumik tunuarpoq, taamaalillunilu Inatsisartunut ilaasortaaajunnaarluni, tamatumalu kingorna Kelly Berthelsen, Inuit Ataqatigiit, sinniisuujunnaarluni maanna Inatsisartunut ilaasortanngorpoq.

Naalackersuisunut ilaasortap Múte B. Egedep sulinnigiffeqarnermi ullumimit unitsinneqarnissaa qinnutigaa, taamaalillunilu Inatsisartunut maanna ilannguppoq.

Akerliusoqarpa?

Taamaattoqangilaq, taamaattumillu maanna immikkoortoq 6-imut ingerlaqqissaagut.

Ilaasortat uku akornanni taasisarnerit pillugit isumaqatigiissuteqartoqarpoq:

Mala Høy Kuko, Atassut aamma Jess Svane, Siumut

Justus Hansen, Demokraatit aamma Ane Hansen, Inuit Ataqatigiit